


唐交粹

卷之四十六




内閣文庫		
函	冊	號
一四八	三六	三七九六
架	冊	號

内閣文庫		
函	冊	號
一四八	三六	三七九六
架	冊	號

内閣文庫	
番號	漢 3796
冊數	36 (28)
函號	362 41

共 三 十 六

總集



書
館

大英
宗業
書

書
館

唐文粹卷第七十四

記丁書附錄十七首

吳興
鉉
纂

亭閣

魏州三堂記 呂溫

廬山草堂記 白居易

尉遲長史草堂記 李翰 廬朗中齋居 李華

廬陵所居竹室記 房千里 西軒記 柳宗元

書宣州疊嶂樓附 獨孤及 李白酒樓記 陸光

新修滕王閣記 韓愈 蘭谿縣東峯新亭記

白蘋亭記 李直方

二公亭記 歐陽彥

馮州秋興亭記 賈至

邳州孟亭記 管休

魏州三堂記 呂溫

應龍乘風雲作雷雨退必蟠蛰以全其力君子役智能

唐文粹卷七十四

統機劇退必宴息以全其性力全則神化無窮性全則
精用不竭深山大澤其所以蟠螭乎高齋清地其所以
宴息乎號州三堂者君子宴息之境也開元初天子思
二南之風並選宗英共持理柄號大而近匪親不居時
惟五王出入相授承平易理逸政多暇考卜惟勝作為
三堂三者明臣子在三之節堂者勵宗室克構之義豈
徒造適亦實垂訓君德樂善何其盛哉然當時漢同家
人魯用王禮棟宇制度非諸侯居後刺史馬君錫因其
頽侈始革基構豐栗侈約而不陋以琴樽詩書之幽素
易綺紈鐘鼓之繁喧惟林池煙景不讓他日觀其廣踰
百畝深入重扃迴塘屈盤沓島交映溟渤轉於環堵蓬
壺起於中庭浩然天成熟曰智及春之日衆木花拆岸
鋪島織沉浮照耀其水五色於是乎襲馨擷竒方舟透

迤樂魚時翻飄蕩雪飛亦公環迴隱映差池咫尺迷路
不知所歸此則武陵仙源未足以極幽絕也夏之日石
寒水清松密竹深大柳起風甘棠垂陰於是濯纓連漪
解帶竹堂畏景火雲隔林無光虛蕩沉沉皓壁如霜羽
羽不招南軒清涼此則楚襄蘭臺未足以滌炎鬱也秋
之日金飈掃林翥鬱洞開太華爽氣出關而來於是乎
絃琴端居景物廓如月委皓素水涵空虛鳥驚寒沙露
滴高梧境隨夜深疑與世殊此則庾公西樓未足以澹
神慮也冬之日同雲千里大雪盈尺四眺無路三堂虛
白於是置酒褰帷凭軒倚檻瑤階如真玉樹羅生日暮
天霽雲開月明冰泉潺湲終夜有聲此則子猷山陰未
足以暢吟嘯也於戲不離軒冕而踐夷曠之域不出戶
庭而獲江海之心趣近懸解跡同大隱序閱四時之勝

藹宣六氣之和貴而居之可曰厚矣若知其身既安而思所以安人其性既適而思所以適物不以自樂而忽鰥寡之苦不以自逸而忘稼播之勤能惟是心以惠境內則良二千石也方今人亦勞止上思義息州郡之選重如庭臣由是南陽張公輟揮翰之任受剖符之寄遊刃而理此焉坐彌靜政令若木金戶民如魚鳥馴致其道闇然日彰小子以家通之愛獲拜牀下且齒諸子侍坐於三堂見知惟文不敢無述捧筆避席請書堂陰俾後之人知此堂非止燕遊亦可觀清淨為政之道

廬山草堂記

白居易

匡廬奇秀甲天下山北峯曰香口廬峯北寺曰遺愛寺介峯寺間其境勝絕又廬山元和十一年秋太原人白樂天見而愛之若遠行客過故鄉戀之不能去因而峯

腋寺作為草堂明年春草堂成三間兩柱二室四牖廣袤豐殺一稱心力洞北戶來陰風防徂暑也敞南甍納陽日虞邠寒也木斲而已不加丹墻圻而已不加白碱階用石巖窻用紙竹簾紵帟率稱是焉堂中設木榻四素屏二漆琴一張儒道佛書各三兩卷樂天既來為主仰觀山俯聽泉旁睨竹樹雲石自辰及酉應接不暇俄而物誘氣隨外適內和一宿體寧在宿心恬三宿後頽然若然不知其然自問其故荅曰是居也前有平地輪廣十丈中有平臺南有方池倍平臺半平地臺南有方池倍平臺環池多山竹野卉池中生白蓮白魚又南抵石澗夾澗誦松老杉大僅十人圍高不知幾百尺脩柯委雲低枝拂潭如幢豎如蓋張如龍蛇走松下多灌叢蘿葛葉蔓駢織承翳日月光不到地盛夏風氣如八九

月時下鋪白爲出入道堂北五步據層崖積石巖空埤
塊雜水異草蓋覆其上綠陰蒙蒙朱實離離不識其名
四時一色又有飛泉植茗就以烹禪好事者見可以永
日堂東有瀑布水懸三尺瀉階隅落石湍昏曉如練色
夜中如環珮琴筑聲堂西倚北崖右趾以剖竹架空引
崖上泉脉分縷懸自簷注砌壘如貫珠霏微如雨露瀉
灑飄灑隨風遠去其四旁耳目杖履可及者春有錦繡
谷花夏有石門澗雲秋有虎谿月冬有鑑峯雪陰晴顯
晦昏旦舍吐千變萬狀不可殫紀觀縷而言故云田廬
山者噫凡人豐一屋華一簣而起居其間尚不免有驕
矜之態今我爲是物主物至致知各以類至又安得不
外適內和體寧心恬哉昔永遠宗雷輩十八人同入此
山老死不返去我千載我知其必以是哉矧余自思從

幼迨老若白屋若朱門凡所止雖一日二日聊覆寶土爲基聚羣石爲
山環斗水爲池其喜山水病僻如此一旦寒剝來佐江郡郡守以優容撫
我廬山以靈勝待我是天與我時地也我所卒獲所好又何求焉尚以冗員所
羈餘累未盡或往或來未遑也予處待余異口弟妹婚嫁畢司馬歲
秩滿出處行止得以自遂則必左手引妻子右手抱琴
書終老於斯以成就我平生之志清泉白石實聞此言
時三月二十七日始居新堂四月九日與河南元集虛
范陽張允中南陽張深之東西二林長老湊朗滿晦堅
等凡十有二人具齋施茶果以落之因爲草堂記

尉遲長史草堂記

吾友晉陵郡丞河南尉遲緒節閑達志遐遠舍和而不
假修推誠而不詭行外若可渾其中甚清外若可離其
中甚靜夫求賢達之趣當考其中若然夫子其達者歟

而境或超詣心或獨得飄飄然不知冠冕之在已浩浩
然不知天地之爲大其冥機慎道迹繫心曠人或未覩
吾能知之大曆四年夏乃以俸錢構草堂于郡城之南
求其志也材不斷全樸牆不彫分其素然而規制宏敞
清冷含風可以却暑而生白矣後有小山曲池窈窕幽
徑枕倚于高壩前有芳樹珍卉嬋娟脩竹隔闥于中屏
由外而入宛若壺中由內而出始若人間其幽邃有如
此者夫子又有雄辭奧學潤色其事階上何有有群書
萬卷階下何有有空林一瓢非道統名儒不登此堂非
素琴香茗不入茲室是知草堂之貴夫子之靜天下茫
茫人未易悉吾與夫子昔同賓賦三十四年于茲矣吾
則棄於世矣歎夫子下位每求其故而有疑焉今觀夫
子之志乃鄰於道寥寥草堂自致之資書於壁微吾非

俟其歲秋八月乙丑朔記

盧郎中齋居記

李華

鴻鵠翹清風凌顛氣翺如翔自得於冥冥之間故虞衡
繳不能爲患甘芻豢秣一羈繫駿驥首冠鍔錫身被嬰壤力
方盛也騁於康達及其殆也困於鞭策由是智者高鴻
鵠而卑駿驥豈妄而論哉今凶渠假息五兵未偃廟堂
有風力之臣征鎮皆方郡之老則仁人靜士戢伏自持
各其志也尚書左司郎中嗣漁陽公盧振字子厚奉世
德而率脩之味道風而游泳之處于九江南郭荒榛之
下不貽害於身不假力於人夷堆墁實窪穽尋尺無遺
材草木不移植書堂齋亭成於折顧高松茂篠森於門
巷晏然燕居勝自我得君子出則行其志也公以瑚璉
之器爲郎官以干將之斷宰赤縣君子入則善其身也

公就鴻鵠之冥冥捨騏驥之馳騁況大江在下名山當
目嘉賓時來攜手長望可以頤神遠壽暢其和浴乎沂
風乎舞雩吾與點也尋陽僑舊推仁人焉廣德二年四
月三日趙郡李華記

盧陵所居竹室記

房千里

凡天地之氣煦姬乎春曦彤乎夏淒乎秋而列乎冬楚
之南當冬而且曦燕之北當夏而且列是皆不得氣之
中正人之百骸上陽而下陰陽戒於燠故膏肓欲寒陰
戒於溺故腎脇欲燠人之外好欲軒冕文綵以為榮似
若動且陽為人之內好欲寡慮恬默以為泰似若靜且
去焉其外門欲肥馬大車以為熱者其內室欲虛堂廣
廈以為清者果反是必為災且歎且病且亂且窮矣天
地之氣當夏而列當冬而曦其歲特惡人之百骸上陽

而不能寒下陰而不能煦其形神察外飾文綵不能動
且榮而必慊其心躁內思恬默不能靜且泰而必沮其
志亂外門淒淒而寒者內室彤彤而熱者其士窮乎三
年夏待罪于廬陵其環堵所棲者率用竹以結其四周
植者為柱楣撐者為椽楠破者為雷削者為障旧者為
樞篾者為纏絡而籠土者為級橫而格縉空者為梁方
大暑火烘爆雷坼壤若墜于鑪若燎于原舌呀而不能
持之墮而不自運赫赫焰焰如列千萬炬于室內視其
門即寂寥虛間若清秋之山焉若寒浦之波焉予乃知
嚮所謂天地之氣人之百骸與其心形之內外居室之
寒燠反是果為歎且災且病且亂且窮也今予方窮不
能奮果窮也其處于是亦宜矣天地之氣不能易者也
鄰子有吹律之變人之死生不可制者也俞扁有鍼砭

之術是二者尤不可革且有道而革之今予室之曦予
門之寒予亦姑思其治之之道將焚其廬而斬其工其
能永永以爍予書其辭于壁

西軒記

柳宗元

永貞中余名在黨人不容於尚書省出為邵州道貶永
州司馬至則無以為居高龍興寺西序之下余知釋氏
之道且久固所願也然余所庇之屋甚隱蔽其戶北向
居昧昧也寺之居於是州為高西序之西屬當大江之
流江之外山谷林麓甚衆於是鑿西墉以為戶戶之外
為軒以臨群木之杪無所不觸焉不徒席不運几而得
大觀夫室嚮者之室也也席與几嚮者之虛也嚮也昧而
今也顯豈異物耶因悟夫佛之道可以轉惑見為真智
即羣迷為正覺捨大闇為光明夫性豈異乎物耶孰能為

余鑿大昏之墉開靈照之戶廣應物之軒者吾將與為
徒遂書為三其一志諸戶外其一以貽異上人焉

書宣州豐潭樓

獨孤霖

邵地四出皆卑邱阜以垣故於樓為易而賦名必著其
富正據扉亦雄壯競侈由是繚步逾千方日相瞪則壯
邦麗辭之歎味在第二繁絲機羅錯卉障錦春以融獨
峯標雲雙波屹風者以澄曉黛頓入夕蟾娟來秋以揚
雲併半空冰偏一岸冬以明此繁舉翻護不盡也然而
月話方狎燭醉始酣則防城健卒籌三而環警緒至越
活蓬走奏榻彙呼去族謀維黃度展和不能不憚而敦
嚮之歷舉四美悉估而倍之不足贖矣予春至達我偶
步池北得小亭之直上居然最勝因命植棟闌梁出城
屋之脊厓方數間小亭如初而中與諸樓相差者自為

一地其上則頭出高際平與空等嚮所謂越諒者不復
遊慮則其四美不俟說而聞不假到而見非聞非見其
然也始聞始見其嚮之未必然也且聞且見而文之所
以然也嚮既舉槩今不可默夫北望條風清暑之流皆
偏擅攸戡莫全歎羨或能伸左臂或睇右目或獨全正
面總帶諸則我無讓斯又不聞不見而以其然為然
矣郡以谿山著名而谿小負則疊嶂之命為且至於欄
干躡道沙子門戶等咸有曲旨成於新致舉之則縷將
煩於槩故柳之而中此亦晦而不彰咸通十一年十二
月辛亥宣州刺史獨孤霖書

李白酒樓記

沈光

有唐咸通辛巳歲正月壬午吳興沈光過任城題李白
酒樓夫觸強者覲縵而不發乘險者帖水而不進清毒

者隱忍而不能就其鍼破搏猛者持疑而不能盡其膽
勇而復視其強者弱之險者爽之毒者甘之猛者柔之
信乎酒之作於人也如是翰林李公太白聰明才韻至
今為天下冒首業術匡救天必賦之矣致長君如古帝
王進其臣如古藥石揮直刃以血其邪者推義教以輦
其正者豈憑酒而作也憑酒而作者強非真勇太白既
以峭訐矯時之狀不得大用流斥齊魯聒明耳聰恐貽
真蹕故狎弄杯觴沉溺麴蘗耳一淫雅目混黑白或酒
醒神健視聽銳發振筆著紙乃以聰明移於月露風雲
使之滄潔飛動移於草木禽魚使之妍茂騫擲移於邊
情閨思使之壯氣激入離情溢目移於幽巖邃谷使之
遼歷物外爽入精魄移於車馬另矢悲憤酣歌使之馳
騁決發如耽幽弁而失意放懷盡見窮通焉嗚呼太白

觸文之強秉文之險瀆文之毒持文之猛而作狎弄杯
觴沉溺麴蘗是真策其聰翳其明醒則移於賦詠醉而生
醉而死余徐思之使太白疏其聰決其明移於行事強
犯時忌其不得醉而死生也當時骨鯁志赤邁有其人
枚其逸才萃於太白至于齊魯結構凌雲者有限獨斯
樓也廣不逾數席瓦缺椽蠹雖燕兒牧豎過亦指之曰
李白常醉于此矣

新修滕王閣記

韓愈

愈少時則聞江南多登臨之文而滕王閣為第一有瑰
偉絕特之稱及王三所為存一賦記等王勃作游閣序王緒作賦
公為從事日作修閣記並
今中丞王
題在閣壯其文辭益欲往一觀而讀之以志吾憂繫官于
朝顧莫之遂十四年以言事斥守揭陽佞道取疾以至
海上又不得過南昌而觀所謂滕王閣者其冬以天子

進大號加恩區內移刺來州於南昌為屬邑私喜幸自
以為當得躬詣大府受約束於下執事及其無事且選
儻得一至其處竊寄目償所願焉至州之七月詔以中
書舍人太原王公為御史中丞觀察江南西道洪江饒
虔吉信撫袁悉屬治所八州之人前所不便及所願欲
而不得者公至之日皆罷行之大者驛聞小者立變春
施秋殺陽開陰閉令脩於庭戶數日之間而人自得於
湖山千里之外吾雖欲出意見論利害聽命於幕下而
吾州乃無一事可假而行者又安得捨已所事以勤館
人則滕王閣又無因而至焉其歲九月人吏浹和公與
監軍使燕于此閣文武賓士皆與在席酒半合詞言曰
此屋不修且壞前公為從事此邦適治新之公所為文
實書在壁今三十年而公來為邦伯適及替月公又來

燕于此公胡得無惜哉公應曰諾於是棟榑梁楹板檻
之腐黑撓折者易新之蓋瓦級甃之故缺者赤白之漫
漶不鮮者治之則已無侈前人無廢後觀工既訖功公
以衆欽而賞焉以書命愈曰子其爲我記之愈旣以未
得造觀爲歎竊喜載名其上辭列三王之次有榮耀焉
乃不辭而成公命其江山之好登望之樂雖老矣如獲
從公游尚能爲公賦之元和十五年十月某日袁州刺
史韓愈記

蘭谿縣靈隱寺東峯新亭記

馮宿

東陽實會稽西部之郡蘭谿實東陽西鄙之邑歲在戊
寅天官署洪君少卿以爲之太守君之始至則用信待物
用勤集事信故人洽勤故公濟未暮而其政成後三年
夏六月余過其邑洪君導余以邑之勝賞於是乎有東

峯亭之遊皆城之闌半里而止以初屆佛刹刹之上方而
亭在焉松門蓋空石道如帶且八倦累息然後迨夫極焉
向之池隍館宇之多旗亭闌闔之喧途道往來衆簿書
鞅掌之繁頓步之餘忽焉如坐八但山風颼颼巖雲峩峩
飛軒憑虛洞壑在下向背殊狀昏明易色指遙青而點
黛者問之則曰某山某巖某林某壑指遠白而曳練者
問之則曰某洲某渚某澗某塘高深互呈心目相競飄
若泉外意其幻成余旣詰其私爰究其本先是邑徵登
攀遊觀之所洪君曾足挈俸錢二萬經斯營斯因地於
山因材於林因工於子來因時於農隙又何易也崇山
濬谷佳境勝槩絲岫伏匿一朝發朗又何能也君在建
中興元之間爲江南西道節度曹王所知時方興軍職
歷寇境供意倉卒賦平人和王實賴之故御史大夫鄭

滑節度盧公羣與君嘗同寮每號之曰精金百鍊良驥
千里誠矣然則是邑之理茲亭之勝於君之分不為難
能天播芳臺而鼓餘波者非文莫可遂攬筆為記刊于
石而附諸地志焉

宴喜亭記

韓愈

太原王弘中在連與學佛之人景常兀慧者遊異日從
二人者行於其居之後也荒之間上高而望得異處焉
斬茅而嘉樹列發石而清泉激輦糞壤焚梅翳却立而
視之出者突然成丘陷者呀然成谷窪者為池而缺者
為洞若有鬼神異物陰來相之自是弘中與二人者晨
往而夕忘歸焉乃立屋以避風雨除寒暑既成愈請名
人其丘曰侯德之丘蔽於石而顯於今有侯特之道也
其石谷曰謙受之谷瀑曰振驚之瀑谷言德瀑言容

也其土谷曰黃金之谷瀑曰秩之瀑谷言容瀑言德
也洞曰寒居之洞志其入一特也池曰君子之池虛以鎮
其美盈以出其惡也泉之源曰天澤之泉出高而施下
也合而名之以屋曰燕喜之亭取詩所謂魯侯燕喜者
頌也於是州民之老聞而相與觀焉曰吾州之山水名
於天下然而無與燕喜者此經營於其側者相接也而
莫宜其地凡天作而地藏之以遺其人乎弘中自吏部
侍郎貶秩而來次其道途所經自藍田山入商洛三浙
端臨漢水升峴首以望方城出荆門下岷江過洞庭一
湘水行衡山之下繇郴踰嶺猿狖所家魚龍所宮極
遐壤詭之觀宜其於山水以聞而厭見今其意乃若不
足傳曰智者樂水仁者樂山弘中之德與其所好可謂
協矣智以謀之仁以居之五以知其去是而羽儀於天朝

也不遠矣遂刻石以記

白蘋亭記

李直芳

新作白蘋亭書時且志政也梁太守柳惲賦詩於始因以名洲今邦伯李公成室於終茲用目亭度乎事則位均考乎地則境同合美配德古今相望亭之特義至矣吳江之南震澤之陰曰湖州幅員千里基布九邑下山屈盤而為之鎮五谿叢流以導其氣其土沃其候清其人壽其風信實公之始至也用恭寬明恕以懷之敬事者違亡者旋或蹈境而留或聆聲而遷提封之內無榛灌繩墨之下無姦傲既而以邑多材郡不能殫公命懸諸善價俾代常佳於是乎幽巖之巨木斯出積歲之適祖必入公家受其利山氓必入其惠繇是白蘋之制經矣

洲在郡城南東亂霄豁而即焉白沙如浮流波環之前有大野緜雲練以萬峯顧有名都壓水駢以千室邑居可望而喧埃不及空水交映而雲天在下造物之工若有私於是焉菱菰叢生鳧鶴朋游嘉名雖曜清境或棄公於是相顯葵之宜立卑高之程據州之陽撥日之正揭大亭一焉脩廊雙注北距寸霄浮軒瞰流莪水亭二焉大亭以施筵席小可以容宴豆凡棟宇之法輪奐之美錯刻密石用成暈飛施宏壯而有度備彤紫而不踰內則庭除朗潔彌望鋪雪曲沼逶迤以中貫飛梁天矯而對起紫桂翠篁辛蕙木蘭碧枝丹實蛇走珠綴鮮飈暗起繁葉振縈落英飄飄飄空浮水天目神池之上多不名之卉洞庭水府之下產怪狀之石嶙峋乎玉容歲蕤乎瑾芳表榮偶植羅列布護外則差初宜以白蘋間

之紅蕖川與天遠百里如組邦君之來肅々旆旌綵舟
徐移魚躍鳥鳴亭成之日三吳之賢大夫集焉公周鼓
鍾羽籥以落之然後使臣之臨重客之來獲游是者悅
乎有遺區之歎則爲邦之成績作亭之良規參合二美
游揚四海坐馳而逝與廢置借矧蘋之爲用風有季女
之莫騷有放臣之望夫以澗谿之賤微而可充王公之
殷薦是故君子重之今扶贊勝賞也如彼哲賢詠歌也
如此則是亭憑眺之外又有傳經之道焉若乃乘農隙
之暇時購武夫之美功塵間不煩財用不屈揚昔人之
休烈垂不朽之遐觀咨其利物之智有以加人不如是
烏能及此已卯歲冬十月予將浮漚河上會稽凌縉雲
觀赤城道出公之仁亭目覽亭之崇構舉書其實合春
秋傳信之經後之人無視十洲孟浪之說而沒其誼云

穎亭記

陳寬

穎水濱有地可以覽山川之秀者九山相在焉西北餘
予升之見穎水直北劈地而來若如隙光端如匣劍視
若中面使人毛磔又見太室與大隗等列領羣峯而來
猝屹不得進踏踏却倚三十六嶠若立指焉而近北左
手煙雲草樹濃淡覆露各盡其態平視之令人意遠超
超然若萬里之鶴也予曰可樹亭哉遂召匠氏授以程
度匠氏曰諾退而有言曰但吾令不德主未聞惠人未
蒙仁止其幾而遠以麻覽在懷乎予聞之甚羞而以爲
不聞也夫陽翟自穎陽達註昌皆漢郡穎川屬是乃吾
土也予不肖假長于此雖進以戾于人而不避者吾將識
其來乎及成會邑中彥髦以落之中宴客有舉爵而稱
曰吾斯山河之秀可與峴爭請名之穎亭遂名之若

使解携手值良辰嘉賓二二聲酒緩進既揖抗對之益
酣因書石以介其壁俾覽之當敏樹亭以釣匠氏
之意也唐大中庚午歲三月十九日丁亥攝陽霍縣令陳
寬記

泉州二公亭記

歐陽詹

勝屋曰亭優為之名也古者創棟宇纔禦風雨從時適
體未盡其要則夏寢冬宜上谷臺秋戶寒暑酷受不能自
戒降及中古乃有樓觀臺榭異於平居所以便春夏而
陶堙鬱也樓則重構功用倍也觀亦再成勤勞厚也臺
煩版築榭加欄檻暢耳目運神氣就則就矣量其材力
實猶有盡近代襲古增妙者更作為亭亭也者籍之於
人則與樓觀臺榭同制之於人則與樓觀臺榭殊無重
構再成之糜費如版築欄檻之可處事約而用博賢人

君子多建之皆選諸勝境今年暮春月邦牧安定席公
別駕置同正負天水姜公念茲邦川逼溟渤山連蒼梧
炎氛時迴濕雲多來又日臨胃大斗建辰位和氣將徂
畏景方至月令云可以升山陵可以居高明蓋謂是月
沉地理卑瘁而不擇爽塏以蕩夫汗盧乎因問風俗相
源隰郭東里所共得奇阜高不至崇卑不至夷形勢廣
袤四隅若一含之以澄湖萬頃揖之以危峯千嶺點圓
水之心當奔崖之前如鏡之紐狀鼇之首二公止旌輿
以迴睇假漁舟而上陟幕煙茵草翫憚移日心謀意籌
有建亭之筭而未之言也二公既歸邑人踵公遊於斯
者如市登中隆觀媚麗媚麗前來後至異口同辭昔漢
帝不曰百姓安其田里而無愁怨之聲者其由良二千
石乎是謂政平教成時和境清使俗泰而民以寧者也

虞書不曰股肱良哉庶事康哉是謂翼帝藩皇調陰序
陽使物阜而民以昌者也席公今日之化育吾徒是以
寧羨公昔歲之弼諧吾徒是以昌且以之寧又以之昌
愷悌君子也詩云愷悌君子民之父母二公者真吾父
母矣茲阜二公攸選尚而加愛務休訟簡必復斯至上
露下蕪忍令父母慙之乎遂借發言為公就亭之功如
牆而前陳誠于縣尹縣尹允其請而為之辨方經跋環
當上頂誠奢訓簡以授子來於是家有餘力圃有餘木
或掬一抔上焉或剪一枝材焉一心百身蜂還蟻往掃
莽可去以旨雜瓦甃無脛而奔萃一之日斤斧之功畢
二之日圻壘之傭息再晨而成二公莫知層梁亘以中
訟飛榮翼而四翥東西南北方不殊致糊白墳以呈素
獲頽壤而垂繪通以虹橋綴以綺榭華而非侈儉而不

陋煙水交浮巖壘疊迥精舍奉其旁達都城全其遐
容影光彩搖漪入瀾拍朱軒於潭底閱雲岑乎波裏
熒油演如飛若動又釣人飄颻於左右游禽出没乎前
後一睇一睩千趣萬態稅息之者若在蓬壺方丈之上
二公重清曠於舊賞納衷懇乎群庶尋幽探異常於斯
勞賓祖客常於斯加以平疇間闢通途在下可以觀耕
釋可以采謳謠作一亭而衆羨具意天造茲阜其固
人為亭歟不然何不遠郭郭而博敞詭秀之若此非常
之地意待非常之人故越千萬祀而至二公方覲也邑
人想之復言曰事無隱義物有正名地為二公而見亭
從二公而建斯亭也可署曰二公亭雖芻蕘之云其實
有謂二公不忽遂以為號小子藝忝于文曾觀光上國
去之日歷越遊吳歸之晨踰荆泛漢會稽之蘭亭姑蘇

之華高襄陽峴首豫章湖中皆古今稱為佳境或棟宇
猶在或基址未沒山川物象徧得而覽方之於此遠有
慙德懿哉二公智周德厚卜地如此感民若彼且非飾
說入吾邑者升吾亭者知之古之製器物造宮室咸有
銘頌以昭其義斯亭也豈無數古而為之章句者小子
薄劣不敢議其事粗述其旨始為之記兼借二公之名
紀于左以為邦榮在位賓寮亦以序從公而列貞元九
年三月二十五日記

零陵萬石亭記

柳宗元

御史中丞清河男崔公來莅永州間日登城北墉臨于
荒野叢翳之際見怪石特出度其下必有殊勝步自西
門以求其墟伐竹披奧款側以入繇谷跨_然皆大石
立煥若奔雲錯若置碁怒者虎鬪企者鳥_也皆扶其穴則

鼻口相呀搜其根則蹄股交踈環顧睥目疑若搏噬於
是剗闢朽壤翦焚榛穢決澮溝導伏流散為踈林洄為
清池寥廓泓渟若造物者始判清濁効奇於茲地非人
力也乃立游亭以宅厥中亭之西石若掖分可以眺望
其上青壁斗絕沉于淵源莫究其極自下而望則合為
攢巒與山無窮明日州邑耆老雜然而至曰吾儕生是
州藝是野眉厖齒鯁未嘗知此豈天墜地出設茲神物
以彰我公之德歟既賀而請名公曰是石之數不可之
也以其多而命之曰萬石亭耆老又言之曰懿夫公之名
亭也豈專狀物而已哉公嘗六為二千石既羸其數然
而有道之士咸恨公之嘉績未洽于人敢頌休聲祝公
于明神漢之二公秩號萬石我公之德宜受茲錫漢有
純臣惟萬石君我公之化始于閨門道合于古祐之自

天野夫獻辭公壽萬年宗元嘗以牋奏諫尚書敢專筆
削以附零陵故事元和十年正月五日記

沔州秋興亭記

賈至

在陽而舒在陰而慘性之常也履險而慄涉夷而泰情
之變也觀相讓而退覩交戰而競目之感也聞韶濩而
和聆鄭衛而靡耳之動也夫其舒則怡慘則悴慄則止
泰則通退則無咎競則有悔和則安樂靡則憂危性情
耳目優劣若此故君子慎居處謹視聽焉沔州刺史賈
載吾家之良也理沔州未朞月而政和於訟堂之西因
高構宇不出庭戶在雲霄矣却負大別之固俯視滄海
之浸閱吳蜀樓船之殷覽荆衛藪澤之大亦有言哉性
得情適耳虛目開且處動則倦理倦莫若靜處靜則明
惟明以理動窮則變變則通通則久今沔州靈府恬而

神用爽政是以和觀其前戶後牖順開闔之義簡也上
棟下宇無雕琢之飾儉也簡近於智儉近于仁仁智居
之何陋之有况乎當發生之晨則攢秀木於高砌見聲
其鳴矣處臺榭之月則納清風於洞戶見暑之徂矣在
搖落之時則俯顛氣於軒檻一見火之流矣值嚴凝之節
則棲同雲於高闕見雪之紛矣政成訟清體安心逸而
詩人之興常在常時之興秋興最高因以命亭焉予自
巴立徵赴宣室歇鞍棠樹之側解帶竹林之下嘉其俛
仰羨其動息乃命進續抽毫志之

郢州孟亭記

皮日休

明皇世章句之風大得建安體論者推李翰林社工部
為充介其間能不愧者惟吾鄉之孟先生也先生之作
遇景入詠不拘奇抉異令齷齪東人口者涵涵然有千

霄之興若公輸氏當巧而不巧者也北齊美蕭愨芙蓉
露下落揚柳月中踈先生則有微雲澹河漢踈雨滴梧
桐樂府美王融日霽沙嶼明風動甘泉濁先生則有氣
蒸雲夢澤波動岳陽城謝朓之詩句精者有露濕寒塘
草月映清淮流先生則有荷風送香氣竹露滴清聲此
與古人爭勝於毫釐也他稱是者衆不可悉類嗚呼先
生之道復何言耶謂乎貧則天爵于身謂乎死則不朽
於文為士之道亦以至矣先生襄陽人也日休襄陽人
也既慕其名亦觀其貌蓋仲尼思文王則嗜昌歎七十
子思仲尼則師有若吾於先生見之矣說者曰王右丞
筆先生貌于郢之亭亭在荆州每有觀之志四年榮陽鄭
公誠刺是州余將抵江南艤舟而詣之采以文見貴則
先生之貌縱視矣先是亭之名取先生之諱諱名浩然

公曰焉有賢者之名為趨斯走養朝夕言於刺史前邪
命易之以先生姓孟改為日休時在宴因曰春秋書紀
季公子友仲孫湫字者貴之也故書名曰貶書字曰貴
況以賢者名于署亭乎君子是以知公樂吾之深也百
祀之弊一朝而去百祀謂開元至今則民之弊也去之可知矣
見善不書非聖人之志宴豆既撤立而為文咸通四年
四月三日記

晉府

勅賜養德書院校正重刊

唐文粹卷第七十四

唐文粹卷第七十五

記戊 摠八道

吳興姚

鉉

纂

興利二

宣州南陵縣大農陂記 梁肅

卜勝二

東山記 張說 司徒岐國公社城郊居記

館舍

君陽遜叟山居記 陸希聲

橋梁

廬州同食館記 陳鴻

井一

汾河義橋記 崔祐甫

義井記 邵真

宣州南陵縣大農陂記

常璿

宣部支邑十城而南陵處劇蓋由庶民囂豪物產多狀
山川闕錯風俗詭浮故理東則民潰政放則民怠俱不
其極自非肅廉和敏措動守中則莫至良能况功利及
物耶皇帝四年今地官侍郎盧公觀察宣部精心厚下

重難邑長乃以寧國令順陽范君假南陵印為大夫於是肅以檢姦廉以約身和以納民敏以應物物不天落民得休泰盧公嘗曰時或爽候雲龍遁逃膏澤翔枯物不遂液吾人其瘁乎下令邑中有能脩復陂塘積水防患者終懋厥功先時縣有廢陂曰大農積歲不理荒梗幽邑丘隰道形空規殘狀非鄉黨之壽臺不可疑識與人飛語他邑病能也言囂囂波翻風合范君獨判於心不農騰口曰利於人也一使吾獲戾而罹悔真吾心也且豈愚皆苦於始作而末不於成功況吾君侏明吾天子聖尚何懼哉乃召鄉老龔堅披材輦壤日必巡文周察勢便仁以撫馴悅以附來法以督姦勤以勸勞於是雲動雷行斬莽關蕪發腐曝於培高徹里不知形疲不憚苦骨不殘民力不費

金刀潛鉄化工事於農畝三旬而畢不戮一人其人如駢江波六十里活活下來小關荒梗數萬畝汪汪虛明壘石構嶺縱三百步龍蟠走兀關橫殺衝波泄流引血臂發三港支分脉散澤入大田厥功既成乃有風雨暴鬪洄洑換晨旭會似聞構作及乎兩斬雲除則沙洲突出力桿嶺下若自開闢之初信為神物山川相雖使江河合災驚濤懷山大浸崩駢暴猛來敵亦不能軼峻防而侵厚趾斯乃天贊其功豈非仁深於物不其或火雲藝天旱魃為虐敲蒸瘴怒蛟龍逞誅而翠激搖洋澄瀾洗月落落浩浩獨落天光順勢導瀾瀾百里則貫畦浮陸卒歲之漑千頃豈為多哉其細也孕鱗甲之族育鳥鴈之群羅生菰滿蔓合菱藻漁父舟人浩歌揚楫厚生之物永永不極斯功也可以灼當世而芳千古矣昔者西門

豹治鄴召公治上蔡而史氏書美顯曰良能以其因水
茂功利澤及物者也則大農傑跡功符天作可以論古
對能其有愧乎范君尋遷御史後三年吏民益慕而願
表尤功今連率范公以文行德器挺為時賢爰領宣部
仁義明舉其下聳善常推至公邑人三請於公乃曰他
人有善惟恐不聞死伯氏功利如是吾豈詭故哉乃從
之邑長李君又以材能弘張其化吏民甚安之追論大
農盛績因民之心以成其善志亦春秋之事也鄉將石
定錄事丁宗耆壽戴誠佐史章佾或參其議或督其事
泊百姓朱綸李縱田丘程胤等若干人咸請予為記云

鹽池記

黃河自崑崙山東會溟張九折迴互鹽泉各一儒者書
以為海目則郇瑕民之地瀆流其長觀乎北浴陵阜南

瀕山麓湛湛煙碧浩無春冬蒸騰雲霓出入日月亦云
廣矣雖吞翁坳隧代增淳鹵而利倍農穡有殷家邦貿
匪從山湧不加海交兩都之軌達延萬賈之資貨是人
不厭也當武后聖政務述省方鳴鑿載臨流潦旋敗自
皇明道發澤漸殊垠天之既格鹽乃旋復非夫幡蚘神
應坤次靈孕亦曷能旌昏明等負勝矣帝所宜念貴然
來思分天牧以泄擇藩佐而貳賢能鮮墜于事則其胤
字通閉閔扼拓磯之左隅鄰大邑之東部崇府庫歲埒
乎儲蓄樞管鏡夕俟平閑藏茲乃慮終於始也邦貴康
食戒之克勤人非忘勞道在悅使大命日下巡功歲移
廣岸砥平而可礪脩畦綺分以如織是時也春光奪炎
氣興洪濤凌白波騰或瀟或汨以評以瀟狀雲洩而雨
駭或花明而雪疑京坻蘊崇豆區嘉量矧戶微筭鹽人

揭言民無不供先薄稅以從賦君孰與足逮黎庶而必
分固非擅權利貴貨易土登陸而雷輟流日驟水而雲
艦擊星律有變給用無絕傳曰山澤林鹽國之寶也茲
其是焉若周物揆情易人推類施之求報大道之玄德
也明則啓祚聖人之知變也降人納汚明君之藏垢也
羹錄調膳賢人之入用也包四美而世濟資百二而國
貞將以樹善末年非石無以純垂裕裔胃非文無以揚
則我晉寶達于萬方也

東山記

兵部尚書同中書門下三品修文館大學士常公體令
真靜思叫幽曠雖胡亮廊廟而緬懷林
別業焉嵐氣入野榛煙山俗石潭竹岸
松齊藥畹虹泉
電射雲木虛吟惚恍疑苗野間關志術茲
所謂丘壑夔龍

長冠巢許幸溫泉之歲也皇上聞而賞之迺命掌舍設
幣金吾劃次太官載酒奉常抱樂停與軍於青靄竹暈
榭於紫氣百神朝于谷口千官飲乎池上鯉騎環山末
布煇野縱觀空巷途歌傳聲是日即席拜公道遙公名
其若曰清虛原幽棲谷景移樂但天子賦詩王后帝女
宮嬪邦媛歌焉和焉以寵德也加以中宮敦序謂我諸
兄引內予於重帷見兒童於行殿家人之禮優榮棣之
詩作於是其實篋管下以昭忠信之獻貫其束帛上以
示慈惠之恩朝野觀并君臣義洽夫飛翠華歷茨嶺至
道之主也紆紫纒期赤松素履之輔也千載一時難乎
此遇故兩曜舍衆星聚德雅道允華高風允塞寒谷照
景窮崖潤色猗歟盛事振古未有篆之玄石貽代厥後

司徒岐國公杜城郊居記

權德輿

司徒岐國公以盛德相三朝以大中教五教帝載叶詠
太階齊平既致用於方內亦宅心於事外神京善地塔
夏南出凡十有六里而仁智之居在焉紫迴巖嶽左右
勝勢徑術逶迤於木杪臺亭壑嶮於山腹下崇崗冒青
蒼步履平夷以至于堂皇四敞賓榻中容宴豆孤齋閑
館幽梁隨之乃開洞穴以導泉脉其流泠泠或滸或決
激而杯行瀑爲玉聲初蒙於山下終匯於池際白波淪
漣繚以方塘輕艦綏棹沿洄上下見煙霞含霽之狀魚
鳥飛沉之適濯于潺湲風于碧鮮紅葩火然素英雪翻
芊繚葱蒨香露迴合含虛籟以四達翹清輝而交映故
其休沐燕息盍簪投轄則有鳴珮拖紳宗工傷人金闈
玉堂之賓淑姿脩態迴風遏雲之藝流光合睇中飲笑
亦交歡擊節不知公相之貴適故也易坤之說曰君子

以厚德載物詩曰愷悌君子求福不回惟公以德受福
故光明昌大每溫室宴見一人尊禮而不名故其代天
工斷國論卓爾以冠羣臣暨夫暇日之戾止於斯也則
暢天理稜顛氣條然以遺萬物其歎其不器歟昔子房
赤松之遊且非代教安石東山之賞僻在下國豈若公
密贊化育內諧恬曠如春之仁如樂之和以君臣之交
感兼動靜之極擊從古已還無公比焉公之華宗自漢
建平侯徙杜陵三守本封幾乎千祀故城南墟里多以
杜爲名逮今郊居不忘厥初又以見積厚流澤此焉回
復且公之心無町畦壽若崗陵昭融烜赫未始有極德
與謬陪衆君子升公之堂嘉招盛集靡間弦晦以衆美
之不可以不紀也承命遠書刻于巖石云

君陽道叟山居記

陸希聲

道叟以斯世方亂遺榮于朝築室陽羨之南而道跡焉
地當君山之陽東谿之上古謂之湖狀渚道叟既以名
其山曰願山谿曰銀谿將以願養蒙昧也在易願之象
艮為山山下有震震為雷為龍願山之下東走震澤震
雷魚龍之所萃毓有願象焉蒙之象亦艮為山山下有
坎坎為水為險願山之下泉流于險而達于大谿有蒙
象焉一旦道叟觴谿山之神於庭酌而飲願山曰吾之
所以命夫山之為願者勗子以養也子其養雲雨以潤
物養霧露以生物養風暹以長物養雪霜以肅物養巨
材以充棟宇養小材以為莖薪養茅菅以為茨藉養竹
箭以為器用養百果以充口腹養百藥以蠲札瘥養昆
蟲使成樂其生養鳥獸使各遂其性噫無或養妖雲悖
雨以傷良稼養苦霧淫露以澤惡植養疾風迅霆以摧

搗朽養憐霜虐以殺根芽養臞腫之朴不為榦材養鈞
棘之藥不中樵爨養蔓延之藟以困條柯養蟠梗之根
以固膏土養弗食之實以蕃庶生養雜毒之藥以中逐
氣養蜻蛉蜂蟻以護巢窟養豺狼梟獍以害羣類維山
有神子其飲之無虧爾名而窾爾實又酌而飲蒙谿曰
吾所以命夫谿之為蒙者勗子以決也子其決於夷壤
以發其源決於塞埴以通其流決於腹畝以施其潤決
於涸澤以溥其惠決於廣陂使介鱗蕃育決於巨浸使
龍變化噫無或決於險阻以負其悍激決於林藪以
縱其墊溺決於鳥鹵以畜其施決於池籩以專其利決
於明竇使鼠鱉為蓄決如使蠶得志維谿有神子其
飲之無喪爾名而浮爾實於是酌而自飲之吾之所以
命是山也必將有所養也命是谿也必將有所決也吾

將養吾志於道而不希於世養吾行於德而不眩於俗
養吾浩然之氣以合自然之英養吾誠明之意以入清
明之顯又將決吾心於仁義使不遺決吾志於中正使
不遺決吾身於天命使不憂決吾跡於道世使無悶如
此而已遂與山谿律讓竭吾歡而罷弁且歌曰山乎谿
乎吾之心乎醒乎醉乎吾與汝然乎

廬州同食館記

陳鴻

合肥郡城南門東上白同食館梁柱朽蠹軒戶歌頌斷
朽委階椽落棟折風雨雪霜宿不可宿太守陽平路君
刺郡之明年冬十月歲向熟民且閑陶瓦于原伐木于
山磨舊礎築新墉迺豐賓堂迺我前軒恕捕蚶蚶層樓
牙牙中回洞深高瞻騰掀階間容揖讓掇間容賓盤柱
間容樂工屏間容將吏左右為寢室更衣之所宋戶素

壁繁而不華東西廂複廊直榭西開下閣作饗舍
屋宏大中敞作南門容旌駟馬北上作丁字亭亭北列
朱檻面城墉其下於溝開導通水因古岸植竹樹為風
月宴遊地東南自會稽朱方宣城揚州西楚蔡汝陸行
抵京師江淮枚守三臺郎吏出入多遊郡道是館成大
賓小賓皆有次舍開元中江淮間人走嗜函合肥壽春
為中路大層木琴人為賊是道中廢元和中蔡州平二
京路復出于廬西江自白沙入步至于大梁斗門堰埭
鹽鐵稅緡諸侯推利駢指于河故衣冠商旅率皆直蔡
會洛道路不第賓至投館亦諸侯之事路君以家行文
學知於朋友以端方沉默官御史府以詳明典故為尚
書郎以通知政術為合肥郡太守質平訛心風俗丕變
民知敬道吏不敢欺先時郡米數萬石輸揚州軸轡相

繼出巢湖入大江歲為風波沉溺者半迺於湖東北岸
橐臯里作厩廩三十九間川東兩邑人米輸於此由申
港出新婦江至白沙人不勞水無害後他邑館舍次于
食無私利人人皆樂成昔左丘明傳經因事書事為因
蔡州道及諸侯之稅因同食館及路君之政亦春秋之
二日傳曰自廬已往振廩同食大和二年太歲己酉正
月壬午朔二十日辛丑記

汾河義橋記

崔祐甫

絳人有成橋於稷山縣南汾河水入境稱曰孝子詢
之三十喪父母五十猶縶麻故其鄉黨捨氏不名貴之
也初茲縣有具舟之役鄰邑有官修之梁自太原西河
上黨平陽至于絳建于雍縣卒迫程賈人射利濟舟為
捷渡口如肆孝川上喟然歎曰夫來者如斯其可勝紀

款速不達式在茲乎見義不為非勇也臨難不濟非為
也迺願棄家乞諸他郡枯槁藍縷日恒歲積自阿關而
東陶唐儉風食貨艱難閭里褊小率令遠驟馳通饋餉
者耆耄翁美於編戶丁男捨耒而攻木義聲感也汾流湯
河許牽射墮沙徙岸呀呷轉騰奮築於激射之旁根柱
於沸渭之下是慮是圖功就謀十八九矣其秋七月天
作淫雨端悍襄陵意大水不仁前功蕩矣邑若鄉人涕
泗弟之曰力竭於子天不恤是而已矣顧而不應且有
後圖徵詩人之嘉謀叅作者之遠慮曳索辯箴繫舟矣
航白露下而謀始止於凌澌杜春冰解而興功上於水
際降一數不可奪志三年其有成功廣可方軌平可轉
較去其飾成無舟艘取其固勢異虹蜺僉義於孝子之
功也故曰義橋昔周王以懿戚封建吳札美盛德遺人

西臨孟津地對姑射山河風土其肯徒然所以義表顯
門功列鄰境難其一善矧乃六之由是則縣人誌之于
石

義井記

邵真

義以發表形外昭施物也并以下汲上導彰濟人也河
間公鑿井於城垣之陽門通莊之右偏著曰義正哉導
之深源經之善利庇彼遠宇達于交衢鐵其瓶以永不
羸石其甃以給無泥飛輪周散泄竇前注泮而平之隨
周不私主發生以流潤當赫曦以伏炎在雉落而激清
抵疑旨而不閉環四亭以一其惠俾憧憧者知飲濯所
向焉羨燠暘之虞濟頌之之難昏一情者得以濤盪瘵痲
者由之蠲愈滌汰氣至沃洒蒸灼泠然不改與地配久
化冀闕為閑敞鄰梵宮之清淨脩一即對開連樓鬱峙肅

真侶以宴息速嘉客以盥漱指心而授應日而就彼豐
福吉祿繁祉崇慶欲不萃於河間之門得乎故北寺司
刑上卿也西臺專席中丞也戎府佐政司馬也參貳外
闡顯榮當朝憲憲青冥前視萬里鑿井為濟川之漸斷
輪為秉軸之兆可轉盼而待矣公才蔚量碩質貞氣淳
名膺王府心拂塵累料物以經遠恤人以遂誠迴俸節
財藏事彰義將獻社于大君貢休于元戎歸壽于高堂
三事體大公之弘誓乃戒司翰者書實刊記揭于井外
大曆六年三月記

唐文粹卷第七十六

記已

孫一十首

吳興姚鉉纂

纂

浮圖

撫州寶應寺律藏院戒壇

記願真卿

孤山永福寺石壁法華經

記元稹

福州南澗寺上方石像記

歐陽詹

畫西方燈記

黃仁心巖禪完記劉軻

沃州山禪院

塑像記段成式

信州南巖草衣禪師宴坐一記權德輿

鸚鵡舍利塔記

高舉

泗州大水記

吳任

撫州寶應寺律藏院戒壇記

顏貞卿

如來以身口意三業難調伏也淨尸羅以息其內行住坐卧四威儀攝善心也明布薩以昭其外故曰波羅提

木义是汝之師則憍陳如之善來迦業波之尚法諸聲
聞三歸約衆十四年以八敬度尼羯磨相承其致一也
至漢靈帝建寧元年有北天竺五桑門支法願等始於
長安譯出四分戒本兼羯磨與大僧受戒至曹魏有天
竺十尼自遠而來爲尼受具後秦姚萇弘始十一年有
梵僧佛陀耶舍譯出四分律本而關內先行僧祇江南
盛行十誦至元魏法聰律師始闡四分之宗聰傳道覆覆
傳惠光光傳雲暉願願傳理隱樂洪雲雲傳遵遵傳智首
首傳道宣宣傳洪法勵滿意傳法成成傳大亮道實
亮亮傳雲一負岸超惠澄澄傳惠欽皆口相授受臻于
室奧欽俗姓徐洪州建昌人蓋漢孺子之後也二十二
尋師于臨川楮山後五歲削髮隸于高安龍崗寺遂受
戒有唐義淨則譯經上足曰洪州之靈然其秉宣羯磨

者曰兩京條欽法銳智度冲深神用高爽行無權實身絕
開遮闡律藏而日月光明騁辯才而龍象蹴踏江嶺之
外凜然風生開元末北遊京兆福先大德常誦大涅槃
經而講之兼明俱舍論維摩金剛經每登講坐其下日
有二三千人由是明動輦轂屬祿山作亂杖錫南歸居
于西山共井雙嶺之間慕高僧觀顯之遺蹤於寺北朔
置蘭若山泉之美頗極幽絕欽雖堅持律儀而志在弘
濟好讀周易左傳下筆成章著律儀輔演十卷掌撰本
州龍興寺戒壇碑頗見稱於作者三年貞卿忝刺撫州
東南四里有宋侍中臨川內史謝靈運翻大涅槃經古
臺階局儼然軒構摧圯有高行頭陀僧智清者首事修
葺安居住持明年秋七月貞卿績秩將滿有觀察使尚
書御史大夫趙國魏公願以我皇帝降誕之辰奏爲寶

應寺仍請山林高行僧三七人冬十月二十三日聖恩
允許於是鼎新輪奐其興也勃焉乃請止觀大師法源
法泉襄陽乘覺清源善弘羅浮圓覺佛跡十喻餘杭惠
達洎當州海通海岸等同住薰修以資景福僉以為學
徒雖增毗尼未立明年三月乃請欽登壇而董振鐸焉
仍俾龍岡道幹天台法裔招提知白融白馬法胤衡岳正
覺同德義盈香城藏選龍興藏七心開元明徹等同秉法
事於是遠近駿奔道場側塞聖佛必放光而龍王不雨者
四旬僧尼等三百五十七人而文士正議大夫前衛尉
少卿張延臯脫俗歸真其名曰壞銅為稱首焉又欽比
年已來為受具者凡一萬餘人江嶺湖海之間幅員千
里餘像法於變皆欽教道之力焉臨川在嶺隅未嘗弘
律於是二衆三百餘人謂法裔敷演而依止之後有上

都資聖寺高德曰還本律主偉茲能辨深嗟嘆而
之謂於寺東南置普通無礙禪院院內立鎮國觀音道
場善弘居之以開悟心要雲一止足曰智融精持本事
如會尊衆乃命智晃等於普通道場東置律藏院初立
戒壇以行欽公之來儀且施肇紀之不朽經營未幾壇
殿鬱興爾乎渡海浮囊分毫羅刹之請嚴身瓔珞
照耀摩尼之光則入佛位而披伽黎者名香普薰神足
無極其可勝紀而無絕乎有唐大曆辛亥歲春三月行
撫州刺史魯郡開國公顏真卿書而志之

孤山永福寺石壁法華經記

元稹

按沙門釋惠皎自狀其事云永福寺一名孤山寺在杭
州錢塘湖心孤山上石壁法華經在寺之中始以元和
十二年嚴休復為刺史時惠皎萌厥心卒以長慶四年

白居易為刺史時成厥事上下其石六尺有五寸短長
其居五十七尺有六寸座周於下蓋周於石砌周於堂
凡買工鑿經六萬九千有二百五十錢十經之數經既
訖又立石為二碑其一碑凡輸錢於經者由十而上皆
得名於碑其輸之貴者有若杭州刺史嚴休復中書舍
人杭州刺史白居易刑部郎中湖州刺史崔玄亮刑部
郎中睦州刺史韋文恪處州刺史韋行立衢州刺史張
聿御史中丞蘇州刺史李諒御史大夫越州刺史元稹
右司郎中處州刺史陳岵九刺史之外搢紳之由杭者
若宣慰使庫部郎中知制誥賈餗以以降鮮不輸於經石
之列必以輸錢先後為次第不以貴賤老幼多少為後
先其一碑僧之徒思得名聲人聞其事以自廣余以長
慶二年相先帝無狀譴於同州明年徒於會稽路於杭

杭民竟相觀睹白惟問之皆曰非觀宰相蓋欲觀曩
聞之元白耳由是僧之徒誤以余為名聲人相與日夜
攻刺史白乞余文余觀僧之徒所以經於石文於碑蓋
欲為不朽且欲自大其本術今夫四時既文經既石而又
九諸侯相率貢錢於所事由近而言亦可謂來異宗而
成不朽矣由遠而言即不知幾萬歲而外地與天相軋
陰與陽相盪火與風相射名與形相滅則四海九州皆
大空中一微塵耳又安知其朽不朽哉然而羊叔子識
枯樹中舊環張僧繇世為畫師歷陽之氣至今為城郭
苟一叱而異世卒不可化鍛之中學數息則易成此又
性與一物相遊而終不能兩相忘矣又安知夫六萬九
千之文刻石求求因象妙合成獨不能為千萬劫舍藏
之不朽耶由是思之則僧之徒得計矣至於佛書妙與

僧當爲余言余不當爲僧言况斯文止紀於刻石改不
及講貫其義云長慶四年四月十一日浙江東道都團
練觀察處置等使通議大夫使持節都督越州諸軍事
守刺史兼御史大夫上柱國賜紫金魚袋元稹記

福州南閭寺上方石像記

歐陽詹

萬物閔閔各由襲必無護忽以然苟非妖怪實爲珍慶
斯石像者其珍慶歟始孕靈韞質兆朕未見則峨峨巨
石巖峭山立鎮郡城之前阜登蓮宮之上界海若鞭而
莫動天時泐而終固皇唐天寶八年五月六日清晝忽
騰雲旁涌驟雨來集驚飈環駭旬旬奔冥唯唯者雷騁
然中震逆火噴野大聲殷空岑嶺躡躑潭洞蕩蕩須臾
風雨散雷雲收激劈輪囷斬焉中關南委地以梯落北
千霄而碣樹不上不下不西不東亭亭厥心隱隱真像

三十二相具八十種好備列侍環衛品覺有序莊嚴供
養文物咸秩融然慈面儼矣儀形似倚雪山而授法如
開月殿以跌坐異矣哉不曰博聞乎未聆於既往不曰
多智乎罔測其所來且物之堅堅於石況高厚廣袤又
羣石之傑一朝瓜剖中有雕琢其爲造石之初致有相
以外封乎其爲有石之後入無間以內攻乎意不可思
以人事徵試請以神化察巍巍釋氏發揮道精其身既
傾其神不生等二儀以通變齊四大而有力教於時有
所頽靡人於教有所沮泥則爲不可思議以煦以吹故
示此無跡之難然之然俾知其我存入我之門經曰千
百億化身蓋隨感而應茲身者則千百億之一焉昔諸
佛報現皆託於有命有命則有生有生則有滅曷若因
其不朽之物憑乎不動之基形既長存法亦隨是與夫

為童兒而出世假長者以來化玄玄之微則雖一永永
之利則不侔可以禮足而悔罪寄影以安樂子則求福
不回者焚香跪仰或從釋子之後故於巉巉之餘何聊
書其所由來貞元六年七月十五日記

畫西方懺記

白居易

我本師釋迦如來說言從是西方過十萬億佛土有
世界號極樂以無八苦四惡道故也其國號淨土以無
三毒五濁業故也其佛號阿彌陀以壽無量願無量功
德相好光明無量故也諦觀此娑婆界微塵衆生無賢
愚無貴賤無幼艾有起心歸佛者舉手合掌必先向西
方有怖厄苦者開口發聲必先念阿彌陀佛又範金合
土刻石織文乃至印水聚沙童子戲者莫不率以阿彌
陀佛為上者不知其然而然由是而觀是彼如來有大

誓願於此衆生有大因緣於彼國土明矣何獨如是哉
何獨如是哉唐中大夫太子少傅上柱國馮翊縣開國
侯賜紫金魚袋白居易當衰暮之歲中風痺之疾乃捨
俸錢三萬命工人杜敬宗按阿彌陀無量壽二經畫西
方世界一部高九尺廣丈有三尺彌陀尊佛坐中央觀
音勢至二大士侍左右天人瞻仰眷屬圍繞樓臺伎樂
水樹花鳥七寶嚴飾五彩彰施爛熳煌煌功德成就居
焉焚香稽首跪於佛前起慈悲心發弘誓願願此功德
迴施一切衆生一切衆生有如我老者有如我病者皆
願離苦得樂斷惡修善不越南部便觀西方白毫大光
應念來感青蓮上品隨願往生從見在身盡未來際常
得親近而供養也欲重明此願而偈讚云

極樂世界清淨土

無諸惡道及衆苦

願如老身病苦者

同歸無量壽佛所

黃石巖禪院記

劉軻

古老有言曰太極之氣積成山岳洩為川瀆然則巨阜之境其大者乎庚辰歲山客劉軻采拾怪異自麓至頂却下半里餘次于黃石巖巖中有棲禪子不知其幾臘乃曠其輕重頗見其宅心之地乃問其住年但手指松桂云毫髮我植今環人臂鳥飛兎走吾復何處矧卯戌之昏且霜炎之凍灰生落之榮頽去留之汭泝雖云之自彼而於我蕙如也於戲向非巖房峭絕僧行孤峙則人境兩失固其宜也復何言哉觀夫煙雲一雜乎履舄嵐靄在於襟袖羣形浩擾併入眸子每至煙雨初霽山光澄練冷冷仙語如在耳右况又聳凌兢上冥焉知不能與洪崖接袂浮丘連駕盈縮造化吐納顯氣絕漸容於

厚面遠喧卑之臊穢乎不得而然者蓋利鈎利為名鉗吞鈎食鉗手足羈縲彼此乎夫禪子脫去桎梏四支宣展動與何機物我一致端邪徑塞僕所謂非斯也禪師宜春人俗姓劉名常進時人以姓易其巖名云

鈎也鉗也名為焉得而跳躍於雲無心靜料石入不能住斯境師又住遂以其

沃州山禪院記

白君易

沃州山在刻縣南三十里禪院在沃州山之陽天姥岑之陰南對天台而華頂赤城列焉北對四明而金庭石鼓介焉西北有支道嶺而養馬坡放鶴峯次焉東南有石橋谿谿出天台石橋因名焉其餘卑巖小泉如子孫之從父祖者不可勝數東南山水越為百刻為面沃州天姥為眉目夫有非常之境然後有非常之人棲焉晉

宋以來因山洞開厥初有羅漢僧西天竺人白道猷居
焉次有高僧竺法潛支遁林居焉次又有乾興淵支遁
開威蘊崇實光識斐藏濟度逞印凡十八僧居焉高士
名人有載達王洽劉悅許玄度殷融郝超孫綽桓彥表
王敬仁何次道王文度謝長霞袁彥伯王蒙衛玠謝万
石蔡叔子王羲之凡十八人或遊焉或止焉故道猷詩
云連峯數千里脩竹帶平津茅茨隱不見雞鳴知有人
謝靈運詩云暝投剡中宿明登天姥岑高高入雲霓還
期安可尋蓋人與山相得於一時也自齊至唐茲山篇
荒靈境寂寥罕有人遊故辭人朱放詩云月在沃州山
上人歸剡縣江邊劉長卿詩云何人住沃州此皆愛而
不到者也大和二年春有頭陀僧白寂然來遊茲山見
道猷支竺遺跡泉石盡在依依然如歸故鄉戀不能去

時浙東廉使元相國聞之始爲卜築次廉使陸中丞知
之助其繕完三年而禪院成五年而佛事立正殿若干
間齋堂若干間僧舍若干間夏臘之僧歲不暇八九十
安若遊觀之外曰與寂然討論心要振起禪風白黑之
徒附而化者甚衆嗟乎支竺歿而佛聲寢靈山廢而法
不作後數百歲而寂然繼之豈非時有待而化之有緣
耶六年夏寂然遣門徒僧常贄自剡抵洛持書與圖詣
從叔樂天乞爲禪院記云昔道猷肇開茲山後寂然嗣
興茲山今樂天又垂文茲山異乎哉沃州山與白氏其
世有緣乎

塑像記

段成式

在世間攘巨寇必思衽金浴鐵強矯唯毅者雖空門亦
忿怒鑿撲爲法大防也據內典下天處蘇迷盧之半爲

切利尉候北方毗沙門統藥叉衆所治水精宮城護世
其住處曰紛陀利曰質多羅曰七林曰摩偷曰如意等
下壓象跡當歡喜之地上接蜂歌雜於嚴之境常僑尸
迦將破怨敵聖者奮勇健臂出甲冑於獨揭勝幢不頓
一戟暨迦婁而垂翅投脩羅而束手猶以怒折蓮柄狂搜
藕絲蓋多聞位居初地離十二失故經云毗沙門得方
便救護之門昔縛喝伽藍北虜感夢而戲悔近于闐聚
落西荒觀相而來降其威神營衛勝鄉靈應事無虛譯
世不絕書相傳北方天王與膳部有緣謂西域瞿薩國
本天王獲神之處也廬陵龍興寺西北隅先有設色遺
像謂西武宗五年毀廢至大中初重建八寺其處為僧乾
立所居乾每調藝不安旬日方悟處在八仙室昉誓造北
方變梁朝謂彫塑像亦為變也請押衙熊輅為導首輅遂與執白箒者郭

宣熊師佐等從史閻伍為說第一施結增上緣獲零際
化貝共二十方輅厚自損徹周歲功就乃多聞儀形嚴
毅如生眉結雲鬋目發電擊猛焰慧有蚊蜂搶軒金塗
錯落而燐亂形彩陸離而芒角得工巧明矣其或蔓魑
蠱俛覘是不翅擊三屍磔五塚也及素天女主藏神凡
四四事堂內三壁寫載部落雷公初怒怫留惡驪吁可
畏也吉之人香火徼福林箒乞靈福既據我靈詐乏主
噫予曾閱正法念經說摩醯陀山六齋日四天於此會
計閻浮提善業豈容不歸敬歟輅為學性端介敏辯王
公多伏之復晤禪那宗要得懃持契訣常持北方真言
大中三年病且危忽夢天王操戰卓地有泉逆射搏之
及面因驚覺汗洽而愈十二年洪州狂賊盜兵殺吏尋
定州差輅上府至新塗夢天王支禦張目曰世途若此

爾欲何往即宿留數日賊毛鶴果膾肝飲頭尤恣殘酷其踐較著如是十三年秋予閑居漢上輅爲交趾使入京請予紀釋氏事以上事請予明張北方故實焉

信州南巖草衣禪師宴坐記

權德輿

信州南巖有清淨宴坐之地而禪師在焉師所由來莫得而詳初州人折薪者遇之于野中其形塊然與草木俱谷於州長乃延就茲地三十年矣州人不知其所以然也遂以草衣號焉足不蹈地口不嘗味日無晝夜時無寒暑寂默之境一繩牀而已萬有叢然此身不動其內則以三世五蘊皆從妄作然後以無有法諦觀十二因緣於正智中得真常真我乃方寸之地湛然虛无身軀慧二俱清淨微言軟語有時而聞涉其境之遠近隨其根之上下如雨潤萬物風行以空中復其門闕皆獲趣入若

非幹玄機於無際窮實相之源底則四時攻於外於百疾生於內矣古所謂遺物離人而立於獨者禪師得之嗚呼世人感物以遊心心遷於物則利害生焉吉凶形焉牽攀鞿鎖蕩而不復至人則返靜於動復性於情天壽仁鄙之殊由此作也斯蓋世諦之一說耳於禪師之道其猶梯稗耶建中二年予以吏役道于饒時左司郎崔公出爲郡佐探禪師之味也熟爲予詳言之拂拭纓塵獲手接足洗我以善得於儀形且以爲楞嚴之妙旨毗耶之密用皆在是矣又焉知此之宴坐不爲他方之說法乎故粗書聞見以志于石

鸚鵡舍利塔記

韋臯

元精以玉氣授萬類雖鱗介毛羽必有感清英絕粹者矣或炳耀離火或稟奇蒼精皆應乎人文以奉若時政

則有華彼禽類習乎能言了空相於不念留真骨於已
斃殆非元聖示現感於人心同夫異緣用一真化前歲
有獻鸚鵡鳥者曰此鳥聲容可觀音中華夏有河東裴
氏者志樂金僊之道聞西方有珍禽群嬉和鳴演暢法
音以此鳥名載梵經者智殊常類意佛身所化常狎而
敬之始告以六齋之禁比及辰後非時之食終夕不視
固可以矯激流俗端嚴梵倫或教以持佛名號者曰當
由有念以至無念則仰首奮翼若承善聽其後或俾之
念佛則默然而不答或謂之不念即唱言阿彌陀歷試
如一曾無爽異余謂其以有念為緣生以無念為真際
緣起不生際雖緣言本空也每虛室一戒曙發和雅音穆
如笙竽靜鼓天風下上其音念念相續聞之者莫不洗
然而嘉善矣於戲生有辰乎緣有盡乎以今年七月悴

爾不憚已日而甚馴養者知將盡乃鳴磬告曰將西歸
予為爾擊磬爾其存念每一擊磬一稱彌陀佛泊十擊
磬而十念成歛翼委足不震不仆奄然而絕按釋典十
擊磬念成往生西方又云得佛惠者歿有舍利知其說
者固不隔殊類哉遂命火以閣維之法焚之餘燼之末
果有舍利十餘粒炯爾耀目瑩然在掌識者驚視聞者
駭聽咸曰苟可以誘送利世安往而非菩薩之化歟時
有高僧惠觀常詣三學山巡禮聖跡聞說此鳥涕淚悲
泣請以舍利於靈山用陶甃建塔旌其異也余謂此禽
存而由道歿而有徵古之所以通聖賢階至化者文媧
蛇軀以嗣帝中衍鳥身而建侯紀乎冊書其誰曰語怪
而况此鳥有弘於道流聖誇昭昭胡可默已是用不愧
直書于辭貞元十九年八月十四日記

泗州大水記


呂周任

春秋左氏傳曰天反時為妖地反物為災其於水也反
 利為害矣在唐堯時包山陵而浩滔天在漢武時浮齒
 桑而浸鉅野皆震蕩上心昏墊下人其故何哉天其或
 者警休明而表忠誠也皇唐貞元八年歲在壬申夏六
 月上帝作孽罰茲東土浩淼長瀾周亘千里請究其本
 而言之是時山湧桐栢發洪飲湧下注淮瀆平湍七
 文浮壽逾濠下連滄波東風駕海潮上不落雨水相逆
 濺濤倒流蠱縮迴薄衝壅淮泗積陰驟雨河瀉甌建不
 捨晝夜至于旬浹乾坤合怒雲雷為屯以水濟水吞洲
 漂防走不及竄飛不及翔連藁為河宮噍類如魚鼈泗
 州刺史事出慮外孰能圖之開府儀同三司檢校右散
 騎常侍兼御史大夫泗州刺史武當郡王張公以其始

至也聚邑老以訪故塞新隄一石以禦之其漸盛也連心
 術以馭事維舟編桴以載之必逐連舳促櫓斂邑之惶
 老弱州之庫藏圖籍官府之器先實于遠野軍資甲楯
 士女馬牛遠遷于水次將健壯過水之不可者任便
 而自安逮數日而計行矣洪浩以汗漫不測涯涘驚颯
 濤舟不得不覆巨浪崩山城不得不圯崇丘如島稍稍
 而沒夏屋如查汎相繼天迴地轉混茫其中公獨與左
 右十數人纜舟於郡城西南隅文牆濕堵之上以向衝
 波之來不亦危哉公之左右失色同辭請移公曰任天
 子守土臣也苟有難而違之若君命何且南山隔淮幾
 五六里吾能往矣况是別境離局姦也雖死不為公於
 是使部內十驛遷於虹城西鄙而南傍南山而東四百
 里達維揚之路俾星郵無壅又東北直渡經下邳五百


里至於徐州通廉察之問又移淮南城將令斷扁舟往
來立標樹信以虞寇盜之變公每端拱對水而誥曰任
奉聖主明詔司牧此州以親萬姓河公何為不仁降此
大沴任之罪也厲聲正色沾危不撓歷再旬而水定又
再旬而水抽自水始至及水始耗已六時矣又一時而
復流郊境之內無平不破郭之間無岸不容尺椽片
瓦蕩然無所有可異者唯公之露寢與內寢巋然存焉
豈不可浮而往蓋不可顛而壞乎斯則神仰公之仁先
庶物而遺已神賞公之忠臨大難而守節神高公之義
動適權以成務故保其聽政養安之所旌公之善也昔
邵伯之理也人愛甘棠而勿翦方茲神靈扶持不亦遠
乎公乃捨車而徒弃輅而泥弔亡恤存綏復軍郡遠軫
聖慮詔左庶子姚公弔而賑之至於修府署建城池詔

有司計功而償縮立鄧市造井墜公申勸科程以貫以
貸纔踰年而城邑復常矣其於縮板為垣樹柳為麗端
衢四達解宇變峙即公之新意也天災流行何代無之
逢昏即盛遇賢即退故劉昆返風而火滅王尊臨河而
水止蓋忠誠之至也公嘗領羸兵守孤城以百當萬俾
國家全山東之地名載青史公即國之長城也今以一
葦之航絀於危堞之上以當漲海之勢城頽而一塊不
傾水止而所濟獲全公即國之貞臣也固知明主之委
任於公也皆感而通焉周任不敏學於舊史氏借古以
諭公未或同年矣謹述而紀之



文淵閣

十三



Faint vertical columns of text, likely bleed-through from the reverse side of the page.

